

1684-5.

Շնորհօք ամենագօրին Աստուծոյ և սիրով Ս. Հոգւոյն կենարարի՛ աւարտեցաւ Մաշտոցս ի թվին ՌՃԼԳ, ի քաղաքին Ռուջուխ, ի հովուպետութեան Տեառն Եղիազար կաթողիկոսին Էջմիածնի, ձեռամբ մեղապարտ անարժան և անիմաստ գրչիս Ըստամպօլցի Տիրատուր գրչի։..

1684.

Յանկ Մաշտոցիս զոր է գրաց  
Զոր դուք կամիք զըտէք թված.  
Մի՛ ձանձրանայք աշխատանաց.  
Սորա մէջ շատ գանձ է պահաց.  
Բարթամութիւնս եկեղեցւոյ  
Մեր ուղղափառ սուրբ հաւատոյ.  
Որպէս պարտեզ լի պտղով գոյ,  
Կու տայ ծաղիկ պէսպէս գունոյ.  
Հոգեւոր գոյնքըս զարդարեն  
Հոգիս մարդկան մխիթարեն.  
Որք ի մեր Լուսաւորչի են՝  
Ի մեր Սուրբ Գրիգորին լսեն.  
Մեր Հայոց ազգիս պարծանք է.  
Որք եւթն խորհուրդ կատարէ,

Մաշտոցըս զայս թող լաւ պահէ,  
Որ Հոովմայեցւոց ուղղափառ է:  
Լեհաց երկիրըս սիրեցի,  
Ի Լով Մաշտոցըս գըրեցի,  
Ի ազգիս մերոյ մատուցի.  
Քահանայից գործիք լիցի՝  
Ի թվականիս Փրկչին մերոյ  
Հազար և վեց հարիւր թվոյ.  
Ութսուն և չորս նոյն համարոյ.  
Յուլիս երեսուն. վերջն է ծրոյ:  
Ես Տէր Յակոբըս անպիտան  
Ի Գրիգորենց մականուն տան.  
Անարհետոս զերս որք ստանան,  
Իբր անարժան առնեն յիշման:

[Ի Մայիսպեքեան գրատան Ֆիրենցայ].

1684.

Զեր և ամենեցուն եմ ծառայ պատրաստական՝ Վարդան  
Ծընունդ Գըռզըւոյ, Խախտեաց ստորոտոյ. [Յունանեան,  
Սընունդ Թոխատու՝ որ մերձ Կոմանու.  
Վարժեալ զհայկականն ի Վաղարշապատ  
Եւ զհոռոմէականն ի Լէօնապատ,  
Ի վարժարանի մեծ Վեհապետին  
Օծելոյն Փրկչի երեսփոխանին.  
Որ զայս դուզնաքեայ ձեզ նուիրեցի,  
Գրաւական միւսոյն զոր վերոյ գըրեցի՝  
Ի ներմարմնութեան Աստուծոյ Բանին  
Հազար և վեցհարիւր 84 ամին.  
Իսկ ի հայ թուին որ եղաւ ի Դուին,  
Հազար և հարիւր երեսուն երեքին.